



## Uunga:

Inatsisartunut ilaasortaq  
Hans Enoksen, Partii Naleraq

Assilinera uunga: Inatsisartut Allattoqarfia

### **Aqqusinniornermut aningaasanik ataatsimoortumik tapiissutit aqqutigalugit kommunimut aningaasaliissutigineqartunik immikkoortitaarlugit nalunaarsuiffik illoqarfinnut nunaqarfinnu agguataarsimasoq pillugu apeqqutinut akissut.**

16. april 2015

UPA 2015/16-ip illoqarfinni nunaqarfinnu amerlasuuni aqquserngit aserfallassimaqisut qanoq pitsanngorsarneqarsinnaanerat pillugu apeqquteqaat aallaavigalugu oqallinnissamik siunnersuutip Inatsisartuni suliarineqarneranut atatillugu Hans Enoksen allakkatigut paasissutisseeqqusivoq matumuuna akiniakkannik.

Postboks 1037  
3900 Nuuk

Oqarasuaat (+299) 34 50 00

Fax :+299 32 46 14

E-mail: oed@nanoq.gl

www.nanoq.gl

Soorlu Hans Enoksenip aamma taagaa, aqqusinernik ingerlatsineq aserfallatsaaliinerlu kommunip isumagisassaraa, kommunit akileraarutitigut isertitaat kommuninullu ataatsimoortumik tapiissutit aqqutigalugit aningaasalersorneqartut. Kommunit ullumikkut ataatsimoortumik tapiissutit aqqutigalugit aqqusinniornissamat aqqusinernillu aserfallatsaaliinissamat tapiissutisarpur.

2000-ip tungaanut ataatsimoortumik tapiissutit pillugit isumaqatigiisummi allassimavoq ataatsimoortumik tapiissutinit qanoq annertutigisut suliaassanur taakkununga immikkoortinneqarsimanersut. Kommuninut ataatsimoortumik tapiissutit ilaasa aalajangersimasunut atugassanngortinneqartarneranni periaaseq 2001-imi atorunaarsinneqarpoq. Tamatumunnga taarsiullugu maanna kommunalbestyrelsit ataasiakkaat kommunit suliaassarpasuinut aningaasanik pingaarnersiuisussanngorput. Aqqusinerminnik aserfallatsaaliuissanerlutik imaluunniit isertitatik allanut atussanerlugit kommunalbestyrelsit ataasiakkaat sallinngortitsinissartik nammineq pisussaaffigaat.

Kommunit konto 20-01-imut, Aqquserngit, ikaartarfiit tummeqqallu 2009-mit 2013-imut, aningaasartuutaat ataani naatsorsorneqarput. Naatsorsuineq kommunit kontulersuinerannik tunngaveqarpoq, taamaattumillu kukkuneqarsinnaallutillu periutsit assigiinngissinnaapput. Aammattaaq aqquserngit qanoq inneri aserfallatsaalineqartariaqarneralluunniit naatsorsuineri ilanngunneqanngillat.

2009-mi 2010-milu sumiiffinnut kontulersuineq nalinginnaasumik atorineqarpoq. 2011-mit Qaasuitsup Kommunia illoqarfinniinnaq aningaasartuutit nalunaarsorsimavai 2012-imiillu Kommune Kujalleri aningaasartuutit ilaat "ataatsimut" nalunaarsorneqarsimallutik.

Taamaallilluni uppernarsineqarsinnaavoq kommunit aqqusinernut, ikaartarfinnut tummeqqanullu aningaasartuutiminnik kontulersueriaasianni assigiinngissuteqartoqarsinnaasoq, kiisalu tamatumani saniatigut kontulersueriaaseq piffissap ingerlanerani allanngorsimasoq.

**Takussutissiaq Kommunit konto 20-01-imi, Aqquserngit, ikaartarfiit tummeqqallu, aningaasartuutaat 2009-2013**

<b>Tusinde kr.</b>	<b>2009</b>	<b>2010</b>	<b>2011</b>	<b>2012</b>	<b>2013</b>
<b>Kommunia Kujalleq</b>					
Nunaqarfik	3.018	2.306	2.563	2.064	1.550
Illoqarfik	1.615	1.659	1.483	989	816
Ataatsimut	-	-	-	1.138	3.005
<b>Kommuneqarfik Sermersooq</b>					
Nunaqarfik	3.061	1.505	985	947	745
Illoqarfik	16.089	12.799	15.761	12.863	13.542
<b>Qeqqata Kommunia</b>					
Nunaqarfik	1.745	1.661	969	880	1.003
Illoqarfik	3.090	3.373	4.895	3.926	3.559
<b>Qaasuitsup Kommunia</b>					
Nunaqarfik	249	354	-	-	-
Illoqarfik	5.619	2.279	-	-	-

Paasissutissarsiffik: Kommunit naatsorsuutaat.

Inussiarnersumik inuulluaqqusillunga

Andreas Uldum